



Na osnovu člana 6. stav 5. tačka 4. i člana 10. stav 1. tačka 4. i člana 7. i 42. Statuta Bošnjačkog nacionalnog vijeća u Novom Pazaru broj: 54-12/2018 od 08.12.2018. godine, Izvršni odbor Vijeća, na svojoj sjednici održanoj 23. marta 2019. godine, donosi

## **ODLUKU**

**o izradi i načinu upotrebe pečata i izgledu i upotrebi štambilja  
Područnog ureda Bošnjačkog nacionalnog vijeća u Republici Srbiji u Prijepolju**

### **Član 1.**

Ovom Odlukom utvrđuje se izgled i način upotrebe pečata i štambilja Područnog ureda Bošnjačkog nacionalnog vijeća u Republici Srbiji u Prijepolju (u daljem tekstu: Područni ured u Prijepolju) i uređuje se način njihove upotrebe.

### **Član 2.**

Područni ured u Prijepolju ima pečat, dimenzija prečnika obodnog kruga 40 mm, na obodu je ispisan tekst na srpskom jeziku i ćirilичnim pismom: „Национални савет бошњачке националне мањине – Пријепоље“, a u prvom narednom redu ispisan je tekst na bosanskom jeziku i latiničnim pismom: „Bošnjačko nacionalno vijeće u Republici Srbiji“, sa utisnutim nacionalnim grbom bošnjačke nacionalne manjine u sredini, ispod koga stoji: „Prijepolje“.

### **Član 3.**

Područni ured u Prijepolju ima štambilj.  
Štambilj pravouganog oblika, dimenzija 60mm x 30mm, sadrži pored podataka iz pečata i rubriku u kojoj se unosi broj akta i datuma zavođenja.

### **Član 4.**

Pečat i štambilj Područni ured u Prijepolju mogu se upotrebljavati samo u obliku i sadržini koja je utvrđena Statutom Vijeća i ovom Odlukom.  
Odobrenje za izradu pečata i štambilja daje Izvršni odbor Vijeća, a o izradi pečata i štambilja stara se Sekretar Vijeća.

### **Član 5.**

Pečatom Područnog ureda u Prijepolju ovjeravaju se službena akta i druga pisana dokumenta donijeta od strane odbora, savjeta, sekretara i stručnih savjetnika u Vijeću.  
Otisak pečata se stavlja sa lijeve strane, pored potpisa lica ovlašćenog za potpisivanje.

## Član 6.

Štambilj se upotrebljava prilikom zavođenja i arhiviranja akata u Područnom uredu u Prijepolju.

## Član 7.

Pečat i štambilj se upotrebljavaju u službenim prostorijama Područnog ureda u Prijepolju. Za čuvanje i upotrebu pečata odgovoran je sekretar Vijeća ili lice koje on ovlasti. Zaposleni kome se povjeri pečat ili štambilj na čuvanje i upotrebu dužan je da ih čuva na način koji onemogućava neovlašćeno korišćenje pečata ili štambilja, zakonitost kod upotrebe pečata ili štambilja i da prijavi eventualni nestanak. Zaposleni koji neovlašćeno koristi pečat ili štambilj i vrši zloupotrebu bit će krivično i disciplinski odgovoran.

## Član 8.

Ovu Odluku objaviti na zvaničnoj internet stranici Bošnjackog nacionalnog vijeća u Republici Srbiji.

Odluka stupa na snagu danom objavljivanja na zvaničnoj internet stranici Bošnjackog nacionalnog vijeća u Republici Srbiji.

U Novom Pazaru, 23.03.2019. godine  
Broj: 303-09/2019

BOŠNJAČKO NACIONALNO VIJEĆE U REPUBLICI SRBIJI  
IZVRŠNI ODBOR VIJEĆA

